

# † Anna Maria Curschellas-Bear, Sedrun

(C.F.) Ils 30 da zercladur 1983 annunzia il zenn da s. Vigeli a Sedrun la prematura mort da nossa prezida e respectada convischina Anna Maria Curschellas-Bear. Ella ha buca stuiu haver tema d'astgar mirar en fatscha alla freida mort. Na, ella fuva bein preparada per far il viadi vi ella perpetnidad. En engrazieivladad a quella buna mumma vulein nus bugen dar in pign sguard anavos en sia veta terresta.

## Naschientscha

La Onna Maria ei naschida a Sedrun ils 21 da december (il medem di e datum sco siu consort) digl onn 1906, e quei sco tafra mattatscha e secunda davosa da siat fargliuns. Ses geniturs ein stai Gion Antoni e Christgina Beer, stada naschida Soliva. En quei ambient, ensemen culs auters fargliuns e geniturs, ha nossa trapassada astgau guder ina biala affonza. Arriavai ils onns da frequentar las scolas ha ella era absolviu quella a Sedrun. Da'lezs onns veseva Sedrun ora auter che oz. Tut modernisau e bia bi dil temps vegl ha stuiu svanir e far plaz ad otras ideas, donn. E da quei temps mintga famiglia che haveva in tec da pur ed ins era endisaus al spargn ed esser cuntents cun quei pauchet che ins haveva e possedeva. La cumententscha fuva seguir andanta a quella ded oz, sche buca pli gronda.

## Giuventetgna

Inagada stada ord scola ha ei era tuc cau bienbaul da far cofra e fagot e schigiar il paun jester, ed ins catta nostra cara trapassada en differentas plazzas. Ina da quellas a Basilea el spital-burgheis nua che ella ei plirs onns. Ella fuva leu stimada e respectada muort sia honzeliadad, fidada ed exacta lavur, ed ins fuva pertscharts che lá giuvna Anna Maria fageva sia lavur endretg e per cumententscha da tut. E sco ella fuva ina giuvna bein educada e preparada per ira ora ella veta, haveva ella negin sterment d'era inagada sezza fundar ina atgna famiglia.

## Maridaglia ed atgna famiglia

Cun 29 onns ha ella tunschiu il maun al vieu Thomas Curschellas, cun ses treis orfans che havevan piars la mumma bia memia baul. La Anna Maria ha schau stermentar zun nuot d'era prender quels orfans en sia lètg. Ed ella ei era stada ina buna mumma cun quels e fatg negina differenza dils ses agens. Il meins da matg 1935 ein



els ira maun en maun agl altar dil Segner. A quella lètg ei vegniu schenghegiau 5 affons, in buob e 4 buobas. Ed ella ei stada ina exemplarica mumma ed ha educau ils affons en oraziun e lavur. La lavur muncava segir buca en casa ed en mazlaria cun dar agid al consort nua che fageva il basegns. Mo era a quella buna mumma han ils mals e las cruschs terrestras buca muncau.

## Sera dalla veta, cun pitir ed oraziun

Mo malgrad sia malsogna selamentava nostra cara defuncta mai, ed era ils affons e siu bien consort Thomas era in ver samaritan. – Suenter che han giu dau giu la fatschenta da mazzaria a siu fegl Carli, vesevan ins di per di a spassegiond en tuttas auras da stad ed unviern bratsch en bratsch. Essend era il car consort en ina aulta vegliadetgna ein els sedecidi ded ira ensemen egl asil da s. Vigeli, per leu era saver guder la buna tgira da nossas bunas soras che fan ton bien da di e da notg cun nos cars seniors. Per quei seigi engraziau allas bunas soras. Mo quella buontad ha la trapassada buca giu la cuida ded ha ver ditg. La criua e freida mort ha spluntau ils 30 da zercladur e liberau ella da tut mals terresters che ella ha supportau cun ina gronda pazienzia. Ils 3 da fenadur 1983 ha in grond pievel purtau ed accumpignau la cara Anna Maria sin siu davos viadi terrester ed alla freida fossa. Ussa sa ella retscheiver la pagaglia per tut il bien prestau sin tiara e selegrar enta parvis ensemen cun tut ils auters defuncts. Al consort ed allas famiglias en malencurada seigi admess nossa pli sincera condolentscha. La glisch perpetna sclareschi ad ella ed a tutt cars defuncts.